

COMUN: Al vëgn lascé alsavèi che les domandes do contribuc y aiüc economics por l'ativité ordinara tl ann 2024 a uniuns/assoziazions mëss gní dades jö te comun cina le vëndres, 29 de merz.

I modui por la domanda é da ciafé sön la plata internet dl Comun [www.comun.sanmartindetor.bz.it](http://www.comun.sanmartindetor.bz.it) o te secretariat de comun.

Domandes dades jö do le termo ne vëgn nia tutes en conscideraziun.

## PLOANIES SAN MARTIN Y LUNGIARÜ

Le Sorvisc Jogn Val Badia mët a jí i "Dis de preparaziun al maridé" dala sabeda 06 d'aurí ala domènia 07 d'aurí tl Zënter Jonëza y Cultura "SaJ.un" a La Ila.

Le curs sará por ladin y na picia pert por todësch. Le program prevëiga referac y formaziun tl ciamp dla comunicaziun, relaziun, spiritualité, sanité y dërt. I referënc sará dr. Lois Kastlunger (coordinadú), dr. Christian Ferdigg (pert religiosa), dr. Christian Pedevilla (avocat) y Petra Massardi (consulënta). Le numer di partezipanc é limité y, por che Osta prenotaziun áis valüta, Ves periunse da Ves prenoté tl Sorvisc ai Jogn (odette@jogn.org), cina ai 25 de merz 2024. Le cost é de 180 € por per (curs + marènes).

-----

La Ciasa de Palsa Ojöp Frëinademetz A.P.S.P. tol pert al proiet "Sommer einmal anders" y tol sö 3 jogn/jones tratan i mëisc da d'isté y ti dá insciö la poscibilité da ciaré ite te nosta strotöra! Áste danter 16 y 21 agn? Spo candidëiete ince tö!! Termo d'iscriziun é le vëndres, di 15.03.2024!! Dötes les informaziuns é da ciafé sot a: [www.sommereinmalanders.it](http://www.sommereinmalanders.it)

Ciasa di Pici Val Badia chîr educadësses por l'edema da carlascé a Badia y por les ferias da d'isté te döta la Val Badia. Por informaziuns präibel cherdé sö 324 02 16 549 o mené na mail [servizi@casabimbo.it](mailto:servizi@casabimbo.it)

Museum Ladin de Tor: Laboratore creatif por mituns y mitans da 5 cina a 10 agn en dedemesaledema, ai 7 de forá, dales 15.00 ales 16.30 tl Musem Ladin de Tor.

I pastelun adöm mascheres y imparun da conësce le carnescé ladin. Cina a 15 partezipanc. Prisc: 5 € por möt/a. Prenotaziun por telefon a 0474 524020 o email [prenotaziuns@museumladin.it](mailto:prenotaziuns@museumladin.it)



[unitepastorala.org](http://unitepastorala.org)

# Plata dles Ploanies San Martin y Lungiarü



ploan siur Klaus Sottsas 344 15 54 055 - [klsottsas@rolmail.net](mailto:klsottsas@rolmail.net)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

## 04.02. - 11.02.24 n. 10

ultimo termo por comunicaziuns: jöbia, dales 20.00

## 5<sup>a</sup> Domènia ia por l'ann B



### Vangele do san Merch 1,29-39

Gejü ê jü deboriada cun Iaco y Jan tla cíasa de Scimun y d'Andrè. La jocera de Scimun ê cun borjü te let. Ai ti â cuntè de d'ëra a Gejü, y al é jü da d'ëra, l'â tuta por la man y l'â daidada sö. Dailö ti é jü demez le borjü, y ara i à sorvì. Da sëra, do che sorëdl ê florì, àn condüt düc i amarà y i indemonià da Gejü. Döta la cité s'â abiné adöm dan porta de cíasa y al nen varî tröc che â de vigni sort de maraties y al parâ fora tröc demonns. Y al ti proibî ai demonns de baié; cíodi ch'ai savô chë che èl ê. Da doman, cíamò à scür, é lovè y é jü te n post sorënt a perié. Scimun y chi che l'â acompagné ti é debota jüs do, y canch' ai l'â ciafè, ti à dit: Düc te chir! Al ti à respognü: I jun altró ti paîsc daimprò a pordiché ince dailö; .....



*Tl vangele do san Merch ne vëgn Gejü nia tl monn da l'üsc de na stala ite o da l'üsc de na bercstot de n zumpradú, mo al é bele atira chiló danter la jënt amesa la vita dl monn. Al se chir discepui che lé sö, lascia döt dailö y vá impara. La jënt ti á na gran crëta y tröc vá da d'él cun l'ultima speranza da ciafé varijun. Insciö ó le vangelist nes dí: Chësc é le Messia. Dauridi i cörs sciöche i discepui che lascia döt indò, cinamai sües families. Dauridi otes animes, y i gnëis lëdi dai demons. Chësc foss bel. Mo ince sc'ara n'é nia insciö, restel impò l'impormetüda: Deplü ch'i ti vá do al spirit de Gejü, tan deplü pói speré da gní varí da ci che me liëia al monn. Sc'i prò da ti jí do ala orenté dl Signur, me delibrëii da cotan de cosses y davagni tröpa liberté y contentëza.*

(image)

EDEMA	SAN MARTIN	LUNGIARÜ	
<b>04.02.24</b> <b>5ª Domènia dl ann B</b> <b>De de sconanza dla vita</b>	<b>9.30 Corona por + Leopold Flöss</b> <b>10.00 Gran Mëssa por la Comunité</b> De dla vita - cun dilan di mituns nasciüs l'ultimo ann + Giovanni Unterweger + Loise Ploner Unterweger + René Penazzi, Corvara	<b>7.50 Corona</b> <b>8.15 Liturgia dla Parora</b> De dla vita - cun dilan di mituns nasciüs l'ultimo ann <b>14.00 Bato de Linda Clara</b> de Michael y Judith Verginer <b>Bato de Lina Clara</b> de Emil y Nadia Ferdigg	 <p><b>Tl mëis de forá periunse do l'intenziun dl Papa</b></p> <p><i>por les porsones amarades che n'é nia bunes da varí y por sües families, ch'ares ciafes dagnora l'assistënza y l'acompanamënt ch'ares adora, sides por la pert sanitaria co por la pert umana.</i></p> <p>-----</p> <p>Les cunties di mirachi de varijun de Gejú pó datrai nes tó la forza da creïe: Ciodí pa laota, ciodí pa nia incö? Mo le vangelist ó propi nes incorajé da creïe: Te momënc scürs, láscece derzé sö da Idí! "Canch'i sun debl, dailó sunsi sterch", dij san Paul te na situaziun dejastrosa. Sc'i me surandá a Idí te mia deblëza, sinti tres plü y plü na forza che me tira sö y che m'implësc. I viri sciöche un che é ressorti cun Gejú Crist. Insciö periunse: Pere tl cil, tö vëighes nosta meseria y nosta deblëza y te nes dëides da les superé. Láscesse tó l'ejëmpl da Gejú, to Fi, ch'i sunse bugn da fá nosta pert por la vita dl monn. Amen.</p> <p>-----</p> <p>Dí dla vita, benedëscesse cun na odlada valënta sön la vita incër nos ia, benedëscesse cun de bunes parores che incorajëia da vire y da speré tl dagní, benedëscesse cun mans fines che fej bel cun dötes tües creatöres.</p> 
05.02.24 <i>Injeun y Albuin</i> <b>Lönesc</b>			
06.02.24 <b>Dedolönesc</b> <i>Paul Miki y compagns, Dorotea</i>	<b>8.00 Mëssa</b> benefaturs y jënt dla Ciasa de Palsa + + + Sepl, Sabina y Milio Flöss		
07.02.24 <b>Dedemesaledema</b> <i>Richard, Eugen</i>		<b>7.30 Mëssa</b> + Sepl Clara, Sanví + Vinzenz Clara, Postin	
08.02.24 <i>Jöbia Grassa</i> <b>Jöbia</b> <i>Iosefina Bakhita, Iarone Emiliani</i>			
09.02.24 <b>Vëndres</b> <i>Apolonia, Alexia</i>	<b>18.30 Adoraziun chîta</b> <b>19.00 Adoraziun deboriada</b>		
10.02.24 <b>Sabeda</b> <i>Scolastica, Silvan</i>	<b>18.30 Mëssa prefestia</b> 2ª de sopoltöra de Leopold Flöss + Giovanni Pescoller, dl ann + Clara Frenner Zingerle, dl ann + Artur Conrater, dl ann + Otto Zingerle + Pasquale Schuen		
11.02.24 <i>Domènia Grassa</i> <b>6ª Domènia dl ann B</b> <b>Santa Maria da Lourdes</b> <b>De mondial di amará</b>	<b>9.30 Corona por vocaziuns</b> <b>10.00 Liturgia dla Parora</b>	<b>7.50 Corona</b> <b>8.15 Gran Mëssa por la Comunité</b> 3ª de sopoltöra de Regina Daporta dl ann + Albino Daporta dl ann + + Monica y Pire Daporta dl ann + Serafin Canins	